

বন্ধু সুপ্রভাত

মাহমুদা রুনা

বন্ধু সুপ্রভাত --

আকাশজুড়ে কোমল আলোর
বিচ্ছুরিত রবি ,
অন্তবিহীন পথের সাথি
তুইযে আমার আপন মনের ছবি ।

শুকতারাদের শুভ্র প্রভায়
গল্প কথার কল্পগাথায়
তোর সাথে যে, আমার প্রাণের সন্ধি ।
আমরা তো নই চলতি হাওয়ার পল্লি ।

চল চলে যাই ওই সুদূরে --

বর্ষ ধারার বর্ষ ধারায় ভেসে
অফুরন্ত কথকতার উছলে
নির্মল নিরুপম সেই দেশে ।

বন্ধুসুপ্রভাত --

আকাশজুড়ে কোমল আলো
জাগছে গগন ফুরে,
একটিবার আবার ফিরে চাই তোকে
সন্ধিন আবাস হোতে দূরে বহু দূরে ।

যেখানে জয়জয়াকার বিস্মিত হৃদয় ।
ফিরে পেতে চায় তোকে --

ওইখানে --

একটি কদমের গেথে থাকা বর্ষাভেজা বৃন্তকে ।

তোকে বলি , আমার অন্য মনের সিন্দুক
অজস্র প্রলাপ-বিলাপ
অনর্গল বলে যাওয়া, বেসুরো সপ্তক,
কস্টবেধা প্রেমের নষ্ট সংলাপ ।

আইফেল টাওয়ার, ভেনিস,
নায়াগ্রা, ডিজনী, পেট্রোনাস ।
ভূগোলকের প্রান্ত সীমান্তব্যেপে
সতঃস্বুত স্বগত সংলাপে ।
বন্ধু আমার, মায়াবী কল্প কাহন
চিরতারুণ্যে, চিরন্তন আনন্দ বাহন ।

মহেন্দ্র মানব !!

পৃথিবীর জেগে ওঠার মহেন্দ্র ক্ষণে
সুপ্রভাত ।
বন্ধুসুপ্রভাত ॥

২০ সেপ্টেম্বর ২০০৫